



Broj: 07-14-290/18  
Vogošća, 22.02.2018. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 22.02.2018. godine donio je

**ODLUKU  
O IZBORU NAJPOVOLJNIJEG PONUĐAČA ZA IZVOĐENJE RADOVA NA PRIKLJUČENJU  
JAVNE GARAŽE VOGOŠĆA NA GRADSKU KANALIZACIONU MREŽU**

**Član 1.**

Ponuda ponuđača "Termo-beton" d.o.o. Breza, ulica Potkraj bb. Breza, odabrana je izvođenje radova na priključenju javne garaže Vogošća na gradsku kanalizacionu mrežu, kao jedina pristigla ponuda sa ukupnom cijenom nabavke u iznosu od 17.085,36 KM bez uračunatog PDV-a, odnosno 19.989,87 KM sa uračunatim PDV-om.

**Član 2.**

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 09.02.2018. godine donio Odluku o pokretanju postupka Konkurentskog zahtjeva za dostavu ponuda za izvođenje radova na priključenju javne garaže Vogošća na gradsku kanalizacionu mrežu, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 12.02.2018. godine pod brojem: 1353-7-3-14-3-20/18.

Tendersku dokumentaciju sa Portala javnih nabavki BiH je preuzelo 9 (devet) ponuđača. Krajnji rok za prijem ponuda je bio 20.02.2018. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 20.02.2018. godine

Shodno navedenom Zapisniku sa otvaranja ponuda, Komisija za javne nabavke konstatuje da je zaprimljena jedna ponuda, i to ponuđača "Termo-beton" d.o.o. Breza, broj int. knjige 79/18, sa ponuđenom ukupnom cijenom nabavke u iznosu od 17.085,36 KM bez uračunatog PDV-a.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponudu, u smislu provjere njene validnosti, s obzirom na iskazane zahtjeve Ugovornog organa u Tenderskoj dokumentaciji broj: 07-14-290/18 iz februara 2018. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača "Termo-beton" d.o.o. Breza ispunjava formalno-pravne uslove, odnosno zahtjeve Ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponude ponuđača "Termo-beton" d.o.o. Breza, te je izvršena računaska provjera dostavljene ponude i utvrđeno da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Obzirom da je iznos naveden u ponudi ponuđača "Termo-beton" d.o.o. Breza veći od iznosa procijenjene vrijednosti nabavke bez PDV-a u iznosu od 15.000,00 KM, Komisija za javne nabavke je dana 21.02.2018. godine zatražila izjašnjenje od nadležne Službe da li može obezbjediti razliku sredstava od 2.085,36 KM u Budžetu Općine Vogošća za 2018. godinu, za realizaciju predmetne nabavke.

Služba za komunalne, poslove mjesnih zajednica i zajedničke poslove se svojim aktom od 21.02.2018. godine izjasnila da može obezbjediti razliku sredstava u iznosu od 2.085,36 KM za realizaciju predmetne nabavke.

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Termo-beton" d.o.o. Breza, za izvođenje radova na priključenju javne garaže Vogošća na gradsku kanalizacionu mrežu, sa ukupnom cijenom nabavke u iznosu od 17.085,36 KM bez uračunatog PDV-a, odnosno 19.989,87 KM sa uračunatim PDV-om..

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od pet dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

1. "Termo-beton" d.o.o. Breza
2. Nadležnoj Službi
3. U dosije
4. a/a

032/789-051



OPĆINSKI NAČELNIK

*Edin Smajić*  
EDIN SMAJIĆ